


清通禮

四十


十一



		九	漢書門
	一〇	二〇	
一六	三四	七	
冊	架	函	號類

庫	文	閣	內
元	九	漢	
五	二〇	書	
三	一〇	七	
架	六	冊	號類

庫文閣內	
番號	漢 9207
冊數	16 ( 12 )
函號	295 31





大清通禮卷之四十

嘉禮

太和殿筵燕之禮恭遇

皇帝萬壽聖節元旦及



大慶典豫日禮部疏請舉行筵燕領侍衛內大臣奏

請

命進爵大臣既得

通徧布諸司供備屆日尚茶庀茶尚膳庀

御饌王以下入八分公以上進饌筵牲酒光祿寺供





酒席兩翼供羊卯刻。

法駕鹵簿樂縣依次陳設於

太和殿

詳見朝賀儀

隊舞笳吹雜技百戲。俟於殿外東

隅。尚膳總領內管領豫於

寶座前設

御筵。加黃幕。武備院張黃幕於丹陛上正中。內務府

掌儀司設反坫於幕內。尊爵金卮壺勺具。工部

張青幕於丹墀內鹵簿之後。東西各八。光祿寺

每幕置尊。陳官饌具席。皆有幕。

右陳設

迺布席。領侍衛內大臣。內務府大臣。禮部理藩

院尚書。侍郎。朝服。眠席。布內外王公額駙。台吉

及一二品文武大臣等席於殿內。東西各七行。

東席西向。當東楹。西席東向。當西楹。均北上。

寶座左右。布後扈大臣席。稍後僉向。

寶座前左右。布前引大臣席。東西相向。

寶座後左右。布領侍衛內大臣席。又西。布

日講起居注官席。均僉向。殿門外西檐下。布左都



御史副都御史席東向東檐下布理藩院尙書  
侍郎席西向丹陛左右布一二品世爵暨侍衛  
席東西向東當東縣之外西當西縣之外北上  
又左布喜起舞大臣席西向禮部尙書侍郎席  
於黃幕左內務府大臣席於黃幕右丹墀左右  
青幕內布三品以下文武百官席按翼爲序如  
常朝之位均東西向外國陪臣來朝者席於西  
班之末東向

右布席

巳刻內外諸王貝勒貝子公額駙台吉等朝服  
集

太和門外文武大臣百官朝服外國陪臣服本國  
服集

午門外午刻鴻臚寺官引宗室王公暨大臣理藩  
院官引外藩王公台吉在丹陛上又引文武百  
官在丹墀內分翼序立禮部尙書奏請

御殿。

皇帝禮服乘輿出宮前引後扈如常儀。



午門鳴鐘鼓中和韶樂作奏元平之章

樂辭見朝賀儀下丹

陛大樂中和韶樂同

皇帝降輿入殿北門

升寶座樂止階下三鳴鞭鴻臚寺理藩院官分引內

外王公台吉暨一二品大臣等由殿左右門入

就位行一叩禮坐引一二品世爵侍衛等官就

丹陛上引三品以下文武各官就丹墀青幕內

按翼依次於本位行一叩禮又引外國陪臣於

右翼班次之末就位行一叩禮皆坐

右就位

迺進茶丹陛清樂作奏海宇昇平日之章辭曰

海宇昇平日景物雍熙徧乾坤草木樂清時河

清海晏麥雙歧麟遊鳳集枝連理風澹澹日依

依正蓬壺乍啓

天顏有喜金門嶰竹傳仙吹金猊篆裊香煙細合殿

歡聲殷地一統山河萬年

天子一佳氣佳瑞滿

皇畿天門誅蕩



御筵披。千峯疊嶂排晴翠。動龍蛇。日暖旌旗。青葱玉樹萬年枝。燕溫溫。玉卮金墀。二天工四序平分歲。

皇心惟念小民依。一自農功始。祁寒暑雨遍疇咨。崇墉櫛比。豐樂成民瑞。真民瑞。茅檐外。簫鼓樂幽詩。三溯當年深仁厚澤。到於今累洽重熙。

皇心繼述踵

前徽。勤宵旰。勅惟時惟幾。四孝饗吉蠲。修祀事奉明粢。于豆于登。祝繁禧。為民祈。

聖心無逸

天庥至。

天心賜福

聖無為

聖無為。太平恭已垂裳治。五得賢臣。襄上理。賁干旌。

連茹彙征至。蟬有綏鷺在墀。九苞颺彩映朝曦。

來集上林枝。六民俗恬熙。歡攜婦子。康衢黃髮。

偕兒齒。食舊德。服新菑。想中天堯舜世。鼓腹共。

遊嬉。亦越於茲。戴堯天。遵舜軌。七重譯來時。梯。



航萬里。冠裳玉帛。圖王會於萬載。太平基。想中天堯舜世。鼓腹共遊嬉。亦越於茲。戴堯天尊舜

軌八解

皇心和豫陽春似。自萬類光輝盛美。四海共傾葵五

雲齊獻瑞。趨辭尚茶暨侍衛執事官。舉茶案。以次

由中道進至檐下。進茶。官奉茶入殿中門。王以

下。咸就本位跪。進茶官自

寶座中陞升。跪進

皇帝茶。興立於右。王以下。行一叩禮。進茶官跪受茶

甌。由右陞降出中門。羣臣咸坐。侍衛內務府護軍等分

賜王以下文武百官。暨外國陪臣茶。各於坐行一叩

禮。飲訖復叩坐。尚茶徹茶案。樂止。

右進茶

尚膳總領。護軍叅領。內管領。入殿由東西陞升

展

御筵幕。執事官並徹王以下席幕。各退。迺進酒。內務

府掌儀司官三人。由黃幕內。一人奉壺。一人奉



爵。一人執金卮以次進至殿中門闕外之左。西面立。丹陛清樂作。奏玉殿雲開之章。辭曰。玉殿雲開金門春在蓬壺界。日月昭回景福齊。天大一解。乾坤清泰。五雲深處是三台。看句陳北指。更閣道南迴。明朗朗。左樞兼上相。爛熒熒。龍角枕河魁。際中天。珠聯璧合。仰紫極。騰至鳧來。

一人有慶萬國春臺。二解。府事修和。籲俊才。扇仁風。徧九垓。萬方樂育仰栽培。

一人宵旰符真宰。幾康劫愆天工代。民生亦快哉。饗

飡厘

聖懷勵憂勤。保大持盈泰。歌

帝力。望堯階。三解。香馥馥。葡萄潑醕。天漿泛玉杯。光灑

灑。露從仙掌開。北斗傾。萬壽觴。南山獻延壽杯。

慶玉食萬方來。四解。看蓬瀛春暖。林巒間早梅。喜

風和日麗。年華入

睿裁。况山巔水隈。玲瓏萬卉開。綠芊芊。蘇似茵。紅灼

灼。花如海。雨過也。隱隱輕雷。五解。到清和。暑風來。

茂對乘時。長景恢台。敞水殿。紅紛綠駭。曳暄颺。



楊柳毵毵

六解

金飈至商序回。清秋皓月揚光彩

芙蓉初日舒蓓蕾。平疇穰稔黃雲靄。歲登大有

萬民歡

皇仁優渥敷天戴

七解

寒雲沍四序該。一陽來復天心

泰。兕觥醴酒公堂介。豐年蜡饗吹豳賽。乾資美

利本無言。

帝恩廣運真無外

八解

天呈瑞愜

睿懷。金鏡光輝玉燭和諧。鳴鳳雖階堯棟上。雲影徘徊。

舜琴中。愜為吾民解。奏南薰。還阜民財。冠裳

玉帛圖王會

皇風蕩蕩

聖德巍巍

九解

淵思往代。茅茨土階。不圖不繪。黃屋心

齊。不築崔嵬。不重玫瑰。不貴腥羶。菹醢却猩唇。

減豹胎。惟寶賢才。亦有鹽梅。和舟楫。九棘三槐。

念民依。饑渴殷懷。願時和田。不汙萊。神倉御廩。

藏精粹。五風十雨。無僭無差。

十解

日晶熒。雲靄隸

冀葉芳。生玉階。紺露丹霞接上台。

帝居深在蓬萊。泛瑤觴。玉笋雲巒。宮漏銅壺緩緩催。



帝引頌元首明哉喜君賡臣拜太平時節萬年杯趨

進爵大臣興離席釋補服服端罩時王以下皆

興進爵大臣入殿中門北面跪王以下咸於坐

跪掌儀司官舉壺實酒於爵由中門入西面跪

授爵興退進爵大臣奉爵興自

寶座中陞升至

御前當右北面跪恭進

皇帝酒興由右陞降復位行一叩禮王以下皆隨行

禮進爵大臣興由右陞升跪受爵仍由中陞降

復位跪掌儀司官入跪受虛爵以退迺以金卮

酌酒承

旨賜進爵大臣酒王以下起立掌儀司官入立授卮

進爵大臣受卮行一叩禮飲卒卮掌儀司官立

受虛卮退進爵大臣叩如初興王以下皆坐進

爵大臣出殿右門加補服服端罩時入席坐執

事官分

恩賜果食於羣臣樂止

右羣臣奉觴上



壽

迺進饌。尚膳以饌入。恭進於

皇帝前。中和清樂作。奏萬象清平之章。辭曰。萬象清

平。海寓咸亨。瑞日麗彤。延乾主大生。坤職資生。

四序不言而成。

宸居端拱。敷皇極。

帝道無爲。法健行。五緯明。百度貞。萬邦額手歡慶。

一解

軒圖麗日。縣金鏡。堯階蕝莢舒。長景陽回黍谷。

開春令。帝車運轉杓。攜柄天道本無言。主德惟

皇聖。二解 欣幸累洽。重熙際太平。萬國獻葵誠。簪紱盈

廷。筐篚充庭。圖王會。奏咸英。微颺不動珠簾捲。

露溥溥。仙掌高擎。酒初馨。薦瑤觥共祝。

一人有慶。二解 彤墀上花。輒布影。瑤階上鑪煙細生。鳳

凰鳴鵲。敞雲屏。宮漏悄。玉壺清。四解 泰階久平。大

有屢登。上林草木瑞光凝。卿雲景星。梯航萬國。

冠裳整。香煙盎盎。排蓮井。宮殿風微。仙樂盈。九

成韶箭來儀。鳳穆肅。

成韶箭來儀。鳳穆肅。



天容睟以清五庭燎初炳仰垂裳

一人有慶明離午正又千道彩霞籠瑞景西山峩峩

分翠黛共南山獻壽北斗天漿溟濔天長地久

永茲九野登盈萬方綏定六念

世德承

天命况復寶籙鴻圖嘉祥歲歲呈五風十雨九穗雙歧

紫芝朱草榮木華連理更兼之屈軼階前指佞

七欣慶際昌期觀

聖政億萬載培周鼎宵衣旰食日邁月征殫厥心爲

民求瘼菖葉抽時花綻杏寫幽風又思省春省

秋省八玉振金聲

皇朝功德慶成從此年年獻兕觥佳節良辰喜交并

傾堯酒堯棟雲生壽籙綿綿天共永趨執事官

分

恩賜餽饌於羣臣尙膳率屬昇反坫案至殿中階下

領侍衛內大臣東西各二人興離席眠侍衛行

殿陛諸王大臣酒光祿寺官行丹墀青幕內文

武各官暨外國陪臣酒王以下各就本位行一



叩禮飲畢叩如初坐樂止

右行羣臣酒

是時禮部滿尚書侍郎率官屬引慶隆舞進司  
章東面奏歌司舞飾面具乘馬進揚烈舞司  
弦司箏司阮司節司拍司拊諸樂人各奏其技  
喜起舞大臣二十有二人朝服由殿左門入詣  
正中跪三叩興退立於左循歌聲按對起舞歌  
辭曰於鑠

皇清受命於

天光延鴻祚億萬斯年天開令節瑞啓階蓂共球萬國

聖壽千齡粵自我

先肇基俄朶長白之山鵲銜朱果綿綿瓜瓞長發其祥

篤生

列祖積慶重光式擴舊疆東訖海表

聖

聖相承永世克紹一章赫赫

神功龍飛崛起戎甲十三奮迹伊始復讎靖難首克圖

倫天戈一指震懾強鄰九姓潛侵滅跡如掃蒙



古五部來奉大號明師四路五日而殲定鼎遼  
瀋都城巖巖陣雲五色江冰夜凝

天助有德應運而興章二

天直聰明覆幬下國遠服邇歸誕敷文德四方來附雲  
集景從建長命官庶職是綜爰創國書韻文義  
畫聲協元音萬古不易爰定軍制采旄央央或  
純或閒永奠八方締造鴻模創成大業錫福無  
疆慶鍾千葉章三佑啓

哲嗣光闡前猷昭崇駿德誕迓

天庥攜貳綏懷朝鮮歸款世奉東藩釐爾圭贄二十五  
部厥角稱臣西被佛土重譯來賓濯征有明耀  
師齊魯電埽郊圻有而弗取畧地松杏屢殪敵  
軍百戰百克用集大勲章四

帝德廣運昭受鴻名建國紀元永定

大清敦睦九族彝倫式敘尙德親賢股肱心膂三  
館是闢鑑古崇儒郊社禘嘗式賁皇圖爵秩以  
班六曹承政百工允釐萬邦表正威鑠函夏德  
配蒼穹敬承無斁駿烈豐功章五



帝授神器。統一寰瀛。翦滅巨寇。乾坤載清。一著戎衣。若

雨甘雨。大告武成。作神人主。

躬親大政。飭紀整綱。制禮作樂。昭示典常。納諫任賢。慎

微慮遠。定律省刑。萬世垂憲。克勤克儉。忠厚開

基。

景命維新。兢業自持。六章

聖神建極。道冠百王。六十一年。福祚久長。天縱聰明。冲

齡御宇。孝奉

兩宮。德隆千古。二孽蠢動。一舉蕩平。海氛永靖。浪息長

鯨。

親御六師。三征沙漠。威肅惠懷。鋤頑撫弱。禹功底績。虞

典時巡。敷天率土。莫不尊親。七章惟天行候。

神聖則之。典學勤政。作君作師。無逸為箴。宵衣旰食。

一人憂勞。綏此萬國。文經武緯。地平天成。中和立極。玉

振金聲。億萬斯年。覲

光揚

烈敬

天勤民體。元作哲。



天鑒孔彰翼翼後玉儀型

皇祖帝祚遐昌

八章

瑤圖炳煥六合雍熙星輝雲爛風雨

以時翕受嘉祥調和玉燭治藹皇風道光帝籙

東漸西被北燮南諧梯航琛賚畢致堯階日升

月恒萬邦蒙福擊壤歌衢嵩呼華祝秩秩盛儀

洋洋頌聲紹休

烈祖永慶昇平

九章

大臣每對舞畢行三叩禮歌闕退又

引歌笳吹樂人入殿歌辭曰人君之樂恃此紀

綱兆民之樂恃我

君王室家孔宜夫君之力朋友有成和輯之德

牧馬歌

八種成壤兮實人世之常墮迷網中兮慾鎖與

情韁愚人無識兮樂茲殊未央執空為有兮謬

語其奚當古歌不澡心於羣經具本性而無明不

服膺於佛乘說妙行而聽熒如意寶

一人首出萬國尊親湛恩汪濊普被生民百花敷榮

一日悅目灌頂寶光萬眾所伏佳兆良胡畏哉襄

以至誠良胡過哉竭己所能良胡偽哉語無文

飾良胡怠哉罔敢休息誠感辭有



君聖明逾戴天。有臣靖其勝後嗣。健婦持家過丈夫。  
 如意寶珠惟孝子。吉慶篇滅除已罪。仗佛真言。如  
 欲療病。惟良藥存。菩提燈兮。出衆生於黑暗。智  
 慧梳兮。櫛六慾之糾纏。肖者吟大海之水不可量。  
 天府寶藏奚渠央。良朋和睦益無方。

聖有謨訓垂無疆。君馬黃人君能仁。蒸黎之父。君子和

平。羣相肺附。懿厥哲人。實維師傅。匿智懷私。迺

民之蠹。懿德吟惟安惟和。心意所欲。無貳無虞。朋

友式穀。善哉行分人以財。惠莫大焉。施人以慧。詎

不踰旃。樂土謠日將出兮。明星煌煌。壽斯徵兮。秀

眉其麗。三十維壯。五十遲暮。莫親祖母。莫尊祖

父。踏搖娘我馬蹠躩。行如流水。雋英滿座。交親悅

喜。族黨嫺嫺。咸富且貴。酌酒爲歡。旣多且旨。頌禱

辭十五歡娛。八十衰。壯容華茂。遲暮悲。祖妣最

親。祖尊哉。慢歌遵王之路兮。愆尤希。素位而行兮。

夫奚疑。唐公主罔有敗事兮。遵道而行。長無離析

兮。順親之情。丹誠曲瞻彼日月。虛空發光。

聖君



聖母焜耀萬邦。明光日月之明兮。容光必照。

聖君之明兮。蒸黎咸造。吉祥際

聖明時。良我福只。橫被恩澤。良我祿只。聖明時倏忽變

遷順其自然。如彼蜃樓。余生渺焉。微言諸惡莫作。

菩提薩多。瞋矇妄行。用墮三塗。際嘉平經何本。本

於宗。身何本。媪與翁。罪何本。嗔熾熾。福何本。和

雍雍。善政歌靡言不適於道兮。水萬派而朝宗。夫

惟外道之妄語兮。井自畫而不通。長命辭惴惴原

獸。思全其身。兢兢庶士。思庇後昆。窈窕娘維彼愚

人。惟知己身。維此哲人。心周萬民。湛露六欲相牽

微生是戀。嘆彼駒光。如夢如電。四賢吟慈悲方便

永斷疑情。極樂淨土。不滅不生。賀聖朝知之而作

兮。明哲所由。不知而作兮。庸愚之儔。慮而後動

兮。卓彼先覺。率而妄動兮。是迺下流。英流行馬蹠

躩兮。身不獲康。念此身兮。本自無常。馬騰驤兮。

生不輟行。念此生兮。本自無生。堅固子良馬之德

於田可徵。良朋之行。相交迺明。月圓良馬云何。乘

者所思。良朋云何。久而敬之。緩惟歌



帝力兮勞來。父母力兮免懷。乘騏驥兮馳驟。仗巨擘

兮弓開。至純 貢高專美。曰惟不仁。擁貨自厚。不

久四分。惟不惺惺。迺不戒懼。凶心常萌。誰與共

處。美封君 嗟棄捐於巖穴兮。盍遠播夫芳聲。嗟終

老於草莽兮。盍永垂夫令名。少年 悲哉北邙。令

聞宜揚。北邙悲歎。青史不渝。四龍王吟 瞻彼中林。芄

芄萬木。梅檀有香。生是使獨。萬類咸若。攘攘芸

芸。民之父母。首出

一人。宛轉 載飛載翔。惟翮是憑。為聲為律。惟心是經

射之能中。惟指是憑。交之能善。惟和斯恒。鐵 駟

之成雛兮。孚化之功。羽用為儀兮。賦命之隆。迪

彼愚蒙兮。惟

聖之功。明厥本性兮。實在已躬。木 維勤斯哲。安不

可懷。溺茲小樂。至樂難期。好合 乾照無私。

聖教無類。謨訓洋洋。鑒斯不昧。童 騏驥不羣。蹇驢。鴻

鵠不偕。斥鷃。騶虞不邇。狐狸。聖哲不昵。愚賤。天

吟 疇知幻軀。祕此佛性。疇不退轉。佛恩來證。上

德墮落。疇其知病。下士頓超。疇其知競。大龍 福



慧天亶誠哉難覲通人達士豈奚易近始條葱

兮禱兮山有芳蘭僅兮祁兮首有妙鬢追風元

首明哉首出股肱良哉罕匹賢夾輔兮王室莫

執左道兮蠹賊迴波景行行止下民堪憐宜汎

愛衆毋逆忠言長騏驥適我體囊韉衛我身嘉

言資我道經史沃我心平升彼高阜兮思我故

鄉有懷二人兮莫出戶堂陟彼崔嵬兮思我故

鄉有懷二人兮莫出垣墻遊子帝王無逸天地

和平辟公膚敏兆民阜成平調日之升天爲經

民之行君爲程水之流隨坎盈牝之游駒之情

高士非冒於貨賄也感兄弟之敬心非貪於飲

食也感父老之誠忱哉生云何致太平畢然望

皇衢人生夫何常善保千金軀民之不能忘令名照

神區子孫振繩繩百千萬億餘高哉敬尊佛勅

如滋甘雨莫行邪惡種茲罪苦三身無常花到

秋名無常雷不畱財無常蜂釀蜜業無常海發

漚音圓賢者斯賢賢不賢不賢賢蜜蜂見花駐蜻

蜓去翩翩欄千金寶馬不如先人之畀遺嘗盡



諸果不如母乳之甘兮。思哉行電可畏兮。時屆朱

明。霜可畏兮。五穀將登。禍可畏兮。歡樂所成。罔

不可畏兮。憶神魂之初降生。法座引火宅無清涼

苦塗無安樂。鳥路誰能攜。閻浮難駐腳。接引閻辭

浮提界。如彼高山。越之維艱。盡卻今時。大海漫

漫。欲度良難。化導辭瞻彼隄岸。水則不濫。有

君牧民。當無畔散。飛鳥雖疲。無甘墮地。君子固窮之

死不二。七寶鞍嗟余生之歡樂兮。似黃離之盈昃

感韶光之荏苒兮。似葉上之青色。及芳華之當

齒兮。且喜樂以永日。短歌時乎時乎。時外無時。時

其逝矣。奚與樂為。黃離既昃。定少溫暾。天光既

暮。曠曠其陰。夕照皇矣

聖世。藹如

仁君。懷哉懷哉。日遠日分。亦有良朋。如兄如弟。日遠

日離。能不遙跂。歸國謠投誠皈命。卽安且吉。如佛

塔廟。云胡遠別。和樂且耽。手足提攜。如姊如娣。

云胡遠離。僧寶吟略必成。酬父將成。祖沙必成。邱

母將成。嫗婆羅門外試觀三界。漚起漚滅。如彼秋雲



乍興乍沒三部流水何湯湯吾生如是游雖有

聖賢人誰能少滯留五部歌畢又歌番部合奏

樂辭曰元緯是依明神是祇一心至誠昭事勤

只巍巍

大君永底烝民中心愛戴稽首來臣念人生之無常

兮合勤修夫善行信百行之咸善兮終和平而

神聽大合

大君至聖教敷率土撫綏萬邦拜跪奉

主染絲不顯

元后惠懷萬方國彥斐恭協贊邦常率土之濱誠意

溥將咸拜稽首依戴

聖皇公皇皇

聖明無遠弗燭林林衆庶無思不服元化惠心為善

去惡

聖人之邦長生永樂雅政承乾體元惟我

聖君光開草昧惟我

聖君綱紀庶政惟我

聖君父母萬國惟我



聖君惟我

聖君兮覆幬如天惟我

聖君兮自新新民惟我

聖君兮中外乂安惟我

聖君兮羣慝消淪拜手稽首兮頌溢兆民

鳳凰鳴

大地

茫茫大海滄滄豈伊無寶求之奚方自古在昔

為君為王膺圖御宇命不于常實心實政惠此

萬邦

聖御大寶繫惟我

皇繫惟我

皇兮疇可與之頡頏

乘驛使

歌畢內務府官引朝鮮國

使入陳百戲畢咸退

右樂舞入侑

行酒畢樂舞退尚膳升徹

御筵降內外王公以下文武大臣百官及外國陪臣

等各於坐行一跪三叩禮恭謝

恩燕丹陛大樂作奏慶平之章禮畢樂止鳴鞭如初

中和韶樂作奏顯平之章



皇帝還宮樂止羣臣皆退所司徹席幕各退。

恩 右謝

恩

寧壽宮千叟燕之禮恭遇

太上皇帝萬壽聖節及

大慶典。

恩賜千叟燕於

寧壽宮之

皇極殿。

旨下。布諸司供備。奏請

命進爵大臣。四品以下官。年六十以上。兵民。年七十以

上者。咸與。屆日。設中和韶樂於

皇極殿檐下。設丹陛大樂於

寧壽門內後檐下。設反坫。陳大八玉器。並設

賞物。及燕席。

寶座前。布

太上皇帝御筵

寶座之東。布



皇帝御筵均加黃幕。殿內左右為內外王公額駙台吉及一二品文武大臣席。殿檐下左右為外國使臣席。丹墀甬路上為三品官席。丹墀左右為四品以下各官席。其餘年老之拜唐阿護軍領催及兵民等俱布席於寧壽門外兩旁。均東西相向。席各有幕。

右陳設布席

先時與燕各官使臣及眾叟等豫行入班祇揀其殿內列坐之內外王公大臣等俱於殿外階

下按翼序立。屆時中和韶樂作。

樂章隨時撰擬後同。

太上皇帝

皇帝升座。管燕大臣引內外王公大臣等進至丹墀正中。鴻臚寺官贊行三跪九叩禮。其檐下列坐之各官使臣眾叟等俱於本位隨行禮。畢樂止。內外王公大臣等入殿內就位。暨眾於坐次行一叩禮。坐。丹陛清樂作。尚茶正恭進。

太上皇帝

皇帝茶。王以下俱於坐次行一叩禮。飲畢樂止。



右就位進茶

尚膳總領等恭進

太上皇帝

皇帝果筵展筵幕。執事官徹王以下席幕。掌儀司官由反坫奉爵臺壺卮。自中路進。至殿檐下。西向立。實酒於爵。丹陛清樂作。進爵大臣釋補服。自中路進。跪。王以下咸於坐次跪。掌儀司官舉爵進。跪授進爵大臣。興退。進爵大臣奉爵。興。由寶座中陞升。至

皇帝前跪。進爵。興。竚立於左。

皇帝奉爵。興。至

太上皇帝寶座前跪。進爵。興。就地平正中。行一拜禮。王

以下。皆隨行禮。

皇帝興。仍就

太上皇帝寶座前跪。接爵。興。授進爵大臣。還

御寶座。進爵大臣奉爵。退。樂止

右奉觴上

壽



大清通禮 卷四十一  
三十一  
迺進饌。尚膳以饌入恭進於

太上皇帝前。中和清樂作。

太上皇帝召入燕王、公、大臣及衆叟。中年九十以上者

至

寶座前跪。

親賜卮酒。

命諸皇子、皇孫、皇曾孫、皇元孫等行殿內。王、公、大臣、酒

侍衛等行各官衆叟酒。並承

旨分賜食品於各筵。王以下皆於坐次行一叩禮。樂止。

歌人進奏曲詞。

隨時擬

畢各退。

右

賜羣臣衆叟酒

尚膳升徹

御筵王以下皆於坐次行一跪三叩禮。中和韶樂作

太上皇帝。

皇帝還宮。樂止。管燕大臣分頒

恩賚。有差。衆皆跪接。興引至

寧壽門外。行三跪九叩禮。畢皆退。



右謝

恩

恭遇

皇帝萬壽慶典。

恩賜千叟燕於

乾清宮。進爵大臣進爵時如

太和殿燕禮其餘儀節同。

右

乾清宮千叟燕

慈寧宮筵燕之禮恭遇

皇太后萬壽聖節元旦。

元旦設燕於次日。

及諸

慶典豫日禮部疏請得

旨下所司戒備並請

欽命進爵命婦尚膳內管領庀

皇太后。

皇后御饌。

皇貴妃。

貴妃。



妃。

嬪。燕席。親王。郡王。進饌筵。牲酒。光祿寺庖席。屆日

內鑾儀衛設

皇太后儀駕。鹵簿。內監設樂縣。均如朝賀儀。公主。福晉

夫人。命婦。咸朝服集

永康右門外。祇埃武備院張黃幕於

慈寧門外階下正中。內管領設反坫於幕下。尊爵。金

卮。壺。勺。具。尚膳女官。內管領妻。入殿布席。

寶座前設

皇太后御筵。加黃幕。

寶座之東。為

皇后御筵。西南向。稍後左右。為

皇貴妃。

貴妃。

妃。

嬪。席。東西向。再後左右。為公主。福晉以下。鄉君。入

八分。公夫人以上。席。重行。殿外丹陛左右。為公

侯。伯。子。男。滿洲。一二品大臣。命婦。侍衛妻。席。均



重行東西向北上。席皆加幕。

右陳設布席。

辰刻內監引公主福晉以下。二品以上命婦。自

永康右門入。

慈寧門序立於東西丹墀內。巳刻內監奏請

皇后詣

皇太后宮筵燕

皇后率

皇貴妃

貴妃

妃

嬪具禮服升輿以次出

啓祥門由

慈祥門入至

徽音左門外降輿入內監引

皇后

皇貴妃

貴妃



妃

嬪及公主福晉夫人命婦等各就燕位祇候內監

奏請

皇太后御慈寧宮

皇太后具禮服出中和韶樂作奏豫平之章

樂辭詳朝賀儀下冊

陞大樂中和韶樂同

升寶座樂止

皇后率

妃

嬪以下及公主福晉夫人命婦等各於本位行一

拜禮坐迺進茶丹陛清樂作奏海宇昇平日之

章樂辭詳

太和殿筵燕儀下冊陞清樂中和清樂同

尚茶女官率尚茶

婦舉茶案由中道進至殿檐下闕外正中北面

跪進茶女官奉茶入殿中門由中陞升至

皇太后寶座前跪進茶與東面立

皇后率

妃

嬪以下行一拜禮公主福晉以下隨行禮坐女官



跪受茶甌。由右陛降退出殿中門。內府女官進  
皇后茶。次分

賜

大皇貴妃

貴妃

妃

嬪茶侍衛妻分

賜

公主福晉夫人命婦茶

皇后率

妃

嬪以下行一拜禮。飲畢復拜如初。尚茶女官率尚

茶婦徹茶案退。樂止。

右就位進茶

迺進酒。尚膳女官內管領妻入殿展

皇太后御筵

皇后御筵。幕以次展

妃

嬪以下席幕各退。司爵女官自黃幕內奉壺爵金



卮以次進至殿中門闕外之左西面立丹陛清樂作奏玉殿雲開之章進爵命婦興離席

皇后以下皆興進爵命婦入殿北面跪

皇后率

妃

嬪以下皆跪女官舉壺實酒於爵由中門入西面跪授爵興退進爵命婦奉爵興自

寶座中陞升當右北面跪恭進

皇太后酒興由右陞降復位一叩

皇后率

妃

嬪以下行一拜禮坐進爵命婦興由右陞升跪受爵由中陞降復位跪女官入跪受虛爵以退迺

以金卮酌酒承

懿旨賜進爵命婦酒

皇后以下起立女官入立授卮進爵命婦受卮行一叩禮飲卒卮女官立受虛卮退進爵命婦復叩如初興退



皇后以下各就坐。進爵命婦入席坐。執事女官分  
恩賜果食於各席。樂止。

右奉觴上

壽

迺進饌。尚膳女官率尚膳婦以饌入。恭進於

皇太后前。中和清樂作。奏萬象清平之章。執事女官分  
賜餽饌於各席。樂止。尚茶女官舉反坫案進至殿陛下

內大臣命婦進

皇后前酒次分

賜

皇貴妃

貴妃

妃

嬪酒侍衛妻分

賜公主福晉夫人命婦酒

皇后率

妃

嬪以下行一拜禮。飲畢復拜如初。坐隊舞。笳吹雜



技百戲。以次進奏。畢。各退。

右行酒樂舞入侑

內管領妻升。徹

皇太后御筵退。丹陛大樂作。奏益平之章。

皇后。

皇貴妃。

貴妃。

妃。

嬪及公主。福晉夫人。命婦等。各於本位行三拜禮。

恭謝

恩燕興。樂止。內監奏請

皇太后還後宮。中和韶樂作。奏履平之章。

皇太后還宮。樂止。內監奏禮畢。恭引

皇后。

皇貴妃。

貴妃。

妃。

嬪降階。仍由



恩

徽音左門出。升輿還宮。公主福晉夫人命婦各退。

右謝

皇后宮筵燕之禮。恭遇

皇后千秋節。及諸

慶典前期。禮部疏請。得

旨。下所司供備。並請

欽命進爵命婦。尚膳監庀

皇后御饌。

皇貴妃。

貴妃。

妃。

嬪。燕席。親王。郡王。進饌筵。牲酒。光祿寺庀席。屆日

內監設樂縣。如朝賀儀。武備院張黃幕於宮門

內正中。內管領設反坫於幕下。壺爵金卮具。尚

膳女官。內管領妻。入殿布席。

寶座前設

皇后御筵。加黃幕。



寶座左右為黃

皇貴妃。

貴妃。又宮內管則妻。入殿亦

妃。內五中內管則妻。又其幕下。置酒金。其尚

嬪。席。僉向。殿內左右為公主福晉以下鄉君入八

分公夫人以上席。殿外丹陛左右為公侯伯子

男滿洲一二品大臣命婦侍衛妻。席均重行。東

西向。北上。席皆加幕。

皇貴右陳設布席

屆時。公主福晉夫人命婦等朝服齊集。內監奏

請

皇貴妃。

貴妃。

妃。

嬪。具禮服。乘輿。以次至

皇后宮。各就燕位。祇候。首領內監奏請

皇后升寶座。

皇后具禮服。出。中和韶樂作。奏淑平之章。

樂辭詳朝賀儀。下丹



皇太后升座。中  
和韶樂同。

皇后升座樂止。

皇貴妃。

貴妃。

妃。

嬪。公主。福晉。夫人。命婦等。各於本位行一拜禮。坐。

迺進茶。丹陛清樂作。奏海宇昇平日之章。樂辭

太和殿筵燕儀。下丹  
陛清樂。中和清樂同。尚茶女官奉茶入。至

皇后寶座前。跪進茶。興。東面立。

皇貴妃以下。行一拜禮。女官跪受茶甌。退。內府女

官進

皇貴妃。

貴妃。

妃。

嬪。茶侍衛妻。分

賜公主。福晉。夫人。命婦等。茶。

皇貴妃以下。行一拜禮。飲畢。復拜。如初。坐。樂止。

右就位進茶



迺進酒。尚膳女官內管領妻入殿展

皇后御筵幕。以次展

皇貴妃以下席幕。各退。司爵女官自黃幕內奉壺  
爵金卮。以次進至殿中門闕外之左。西面立。丹  
陛清樂作。奏玉殿雲開之章。進爵命婦興。離席  
皇貴妃以下皆興。進爵命婦入殿。北面跪。

皇貴妃以下皆跪。女官舉壺。實酒於爵。由中門入。  
西面跪。授爵。興。退。進爵命婦奉爵。興。自

寶座中陞升。當右。北面跪。恭進

皇后酒。興。由右陞降。復位。一叩。

皇貴妃以下皆隨行禮。坐。進爵命婦興。由右陞升  
跪。受爵。由中陞降。復位。跪。女官入。跪。受虛爵。以  
退。迺以金卮酌酒。承

旨。賜進爵命婦。

皇貴妃以下起立。女官入。立。授卮。進爵命婦受卮  
行一叩禮。飲卒。卮。女官立。受虛卮。以退。進爵命  
婦復叩。如初。興。

皇貴妃以下咸就坐。進爵命婦入席坐。



恩賜果食於各席。樂止。

右奉觴上

壽

迺進饌。尚膳女官率尚膳婦以饌入。恭進於

皇后前。中和清樂作。奏萬象清平之章。執事女官分

賜餽饌於各席。樂止。內管領妻女官等舉反坫案進

至殿陛下。侍衛命婦進

皇貴妃。

貴妃。

妃。

嬪。酒次分

賜公主福晉夫人命婦酒。

皇貴妃以下。行一拜禮。飲畢。復拜如初。坐。笳吹樂

人進。奏樂歌畢。退。內管領妻升。徹

皇后御筵。退。丹陛大樂作。奏正平之章。

皇貴妃。

貴妃。

妃。



嬪公主福晉夫人命婦各於本位行三拜禮恭謝  
恩燕興樂止內監奏請

皇后還宮中和韶樂作奏順平之章

皇后升輿樂止內監引

皇貴妃

貴妃

妃

嬪乘輿還宮公主福晉夫人命婦各退

右行酒入侑謝

恩

普燕宗親之禮

旨下飭諸司供備奏請

命進爵大臣屆日設中和韶樂於

乾清宮檐下設丹陛大樂於宮門檐下設反坫陳

大八玉器並設

賞物及燕席

寶座前布

皇帝御筵宮內左右設和碩親王以下輔國公以上



席檐下左右設有爵之近支宗室席丹陛左右  
設有爵之遠支宗室及近支閒散宗室席俱東  
西向丹墀內設遠支閒散宗室席北向先時王  
公等於丹墀下序立諸宗室豫行入班祇族均  
蟒袍補服屆時內監奏請

皇帝升座中和韶樂作奏隆平之章辭曰中天鳳紀  
開新列堯階繡茵

聖德重華九族親垂光惇敘家人敷仙萼十葉宜春  
扇雍和和氣閭郁祥芬瓊蕤捧日寶鄂承雲

御前大臣引王公等進至丹陛中行三跪九叩禮諸  
宗室各於坐次隨行禮畢樂止王公等入就位  
暨衆於坐次行一叩禮坐迺進茶丹陛清樂作  
奏瑞旭中天麗之章辭曰瑞旭中天麗慶溢昌  
期敞金門嘉敘宗支叢雲五色蔭仙芝華林萬  
樹連瑤祀光煜燭景逶迤正韶風乍吹奉

乾清燕喜奉

乾清燕喜

天家慶篤重光瑞五雲深處龍樓侍寶胄衍振振公



子九族天親。

九重樂事。

一解蕃祉嘉燕播仁慈播仁慈因緣時節匪

遲遲銀潢一派瞻

天咫瞻

天咫並家人禮拜丹墀並家人禮拜丹墀寅秩惇敘

典行時更鴻儀同瞻光被。

二解椒繁陟衍瓊華紀

都從若木秀新枝襲慶從今始。

特恩四品列華資雁行接次采服紆金紫尊其位富

貴以親之。

三解棣華篇軒宮展愛梓材書疆畎敷

菑

宸躬教養本無私申天顯庸庸祇祇

四解合族敦宗傳

古禮肆筵几行葦方苞叶歌詩太平時同榮壹

體華連理同莖異畝穗雙歧。周家仁政

親親始。

五解况

皇朝洪錫類賁

天庥光贊放勲治。

恩載推禮則宜鳳麟左右並來儀黃幕受洪釐

六解影

颺蒼旗聲騰仙吹言情俯講家人禮仙掌露似



珠霏仙掌露似珠霏帕傳柑盤撒荔滿袖共香  
攜寵沐無涯拜恩華玉案底拜恩華玉案底七解  
寶序相輝

溫顏有喜筐筐昭既便蕃意陳玉帛以將之燦精鏤  
列錦綺

御墨與封題寵沐無涯拜恩華玉案底拜恩華玉案  
底八解曦輪垂照光輝美億萬載花跔鞞鞞禮樂

茂前徽史書欽

聖瑞趨次進爵丹陛清樂作奏珠斗杓迴之章辭曰

珠斗杓迴銅龍春靄祥雲繪壽寓熙臺慶衍靈  
長派一解天潢嘉會九華敷影扇菱開看天榆銀  
映更日杏紅栽輝爛爛采屏翔玉勝馥霏霏仙  
木閒宮梅接花茵宗英師濟仰紫座文治昭回  
瑞綿姬籙氣益堯階二解化日舒遲景蕩駘聯萼  
跔樂耆鮐瓜綿百世溯幽邨雲初萬葉猗蘭茁  
蟠根仙李唾唐代承華懋哉

玉牒鏤瓊瑰導璇源鳴綠三江大球琳品楨榦材球琳  
品楨榦材三解踰濟濟寶胷肩排



天家一氣培。展懿親。仁恩敷。

睿懷肅肅兮。珪瓚酬。雍雍也。金石諧。接武上天街。四解

喜酬庸五等。一番爵賞開。慶惇宗九族。一般袞

繡裁。總擢秀三台。一時蕃翰才。荷龍章。寵載頒

承鳳綵。銜新拜。列坐處。紫綬青綳。五解望南山。獻

頌來。辛韭登盤。剛卯鑄牌。光豔豔。麟衫鶴彩羽

翩翩。花翎黃帶。六解晴雪影。映松釵。鑪煙金穗飄

芳靄。粉眉牋帖垂銀蕙。唐花繡纈珠千琲。觚稜

鳩鵲旭初升。宮壺仙漏春如海。七解祥麟趾。威鳳

喙。金華葩瑤承芝蓋。蒼龍子。蜺颺青旒。昭華瑞

瑄三陽泰。周家宗室是城垣。高陽才子多元凱

八解椒花醴。柏葉醅。露湛尊壘。霞映采恩。風扇金

階黃幄上。曦御徘徊。泛瑤觴。玉是和闐采。泛瑤

觴。玉是和闐采。二千。歌嘏榮懷。

天顏笑語春生藹。東西序列。昭穆班排。九解金枝玉蕾

蕙蘂蘭荂。棣華孔懷。蓼蕭樂愷。不立監催。不藉

卿陪。不用糾儀史在。化雍和。時麗佳。芽逗宮槐

頌進臺萊。斟和氣。耐象清淮。聽和聲。樂奮春雷。



聽和聲樂奮春雷。願年年北斗樽迴。東廂壽酒  
 賡歌拜旅。酬禮洽。積慶圖開。十受洪禧。千萬載  
 降福穰穰。孔皆六幕和風扇。九垓融融佳氣。蓬  
 萊仰

堯文蕩蕩巍巍親睦。平章淳化推。更行葦篇裁。協節  
 韶天籟。五雲長奉紫霞杯。趨次進饌。中和清樂  
 作。奏景麗仙瀛之章。辭曰。景麗仙瀛。雲靄彤庭。  
 煜煜燦芝英。春風送晴春露含。清寶鑪香篆徐  
 縈。羽儀幸接青霄路。紳珮欣聯紫闥情。鸞鷲鳴

蕙蒲生。萬年珠樹同慶。一金支派衍雲初盛。一

規仁壽縣高鏡。卿雲色向瓊枝映。工歌先唱麟  
 之定。阿閣動和風。步履三霄聽。趨陪邀得

天家幸。二堪慶四海熙和際。治平丹陛彩霞明。枝耀

華平。葉茂祥萇宣韶濩。奏咸英。中天華日曛曛

正。瀉金珠滿溢金莖延

皇屬論宗盟。亘古於斯為盛。三看樓角初陽暹映

聽枝上宮鶯早鳴。天廚

特勅賜芳馨。春有腳似



恩榮四解金盤自明。玉盃自瑩。山腴水豢未須稱。蘭蒸

蕙蒸。由來禁臠誇珍盛。淳熬將出龍頭鼎。多是

鹽梅滋味成。不須更啖如瓜棗。但飽

天恩總益齡五解龍墀位定慶振振

寶牒分榮祥鍾鵲果迓多福自

天申景命今朝公姓駢蕃會念靈根式固日幹光華交

映洪釐懋錫好占五色雲邊宗人星炳六解晝漏

永瑤階靜遙見雉尾雙開

天顏喜氣凝展親誼篤温綸款被廣殿樂盈盈氣求

聲應頌茂緒彪鴻

一人有慶七解深幸鎬京詩同拜命棣鄂會安能並分

餐玉食鳳髓麟羹更飄來仙音一片暖律新調

笙吹應飫春膏恰今番人勝花勝八解愷樂歌成

咸邀四品殊榮俊髦耆年總玉潢賚予歸來黃

帕擎慶仙源景福凝承彩雲長護蓬萊頂趨樂

止世德舞人進司章歌作辭曰

天開

聖清覺羅肇興



列祖繼緒。統一寰瀛。一章湖祥長白。垂統發蹟。幅員廣大。

景福悅懌。二章

聖皇立極。與天比崇。純常第祿。昌後隆宗。三章篤親九

族。錫恩單厚。金黃帶垂。袞冠品授。四章枝蕃萼榮

皇情則怡。嘉承天和。方春載熙。五章璇宮肆筵。宗人爰

集。黼黻盈庭。班行辨級。六章

皇睠有喜。便蕃賚予。侍衛賜茶。恩涵露渥。七章肫仁溥

澤。大府頒金

皇慈既渥。以洽壬林。八章宗人拜舞。臚懽忭祝。億萬斯

年。永綏多福。九章歌畢。徹

御筵。中和韶樂作。奏慶平之章。辭曰。璇霄氣應韶鈞。

仰重熙令辰。行葦恩華。衍燕申。歡承麟趾。振振

霑椒觴。芳酌含醇。荷龍光。光被均。瑞璘彬。萬年

聖壽。一本天倫。

皇帝還宮樂止。

皇子及

御前大臣等。監眠分賞。王公暨諸宗室。均至

乾清門外謝



大清通志 卷四十一 禮 聖  
恩行三跪九叩禮畢各退其餘儀節與

太和殿筵燕同

右宗室筵燕

歲除日

賜外藩蒙古筵燕於

保和殿前期內務府庖饌奏請

命進爵大臣既得

旨下所司戒備屆日樂部和聲署入陳中和韶樂於

殿檐下左右陳丹陛大樂於

中和殿北檐下左右笳吹隊舞雜技百戲竝於殿

外東隅武備院張黃幕於殿南正中內務府管

領設反玷於幕內尊爵金卮壺勺具尚膳總領

於

寶座前設

御筵殿內左右布外藩王公暨內大臣入殿文武大

臣席

寶座左右陞布後扈大臣席前左右布前引大臣席

後左右布領侍衛內大臣暨記注官席丹陛上



左右布台吉侍衛席均按翼按品為序東西向  
北上理藩院尚書侍郎席殿東檐下西面禮部  
尚書侍郎內務府大臣席黃幕左右東西面先  
時羣臣朝服畢會屆時

皇帝御殿行燕禮凡就位進茶進爵行酒樂舞入侑

先奏笳吹燕畢謝  
次慶隆舞

恩諸儀節均與

太和殿筵燕儀同

右除夕燕

歲春正月上元節

賜外藩筵燕於

圓明園

正大光明殿豫日戒所司庖饌屆日內務府掌儀  
司率內監陳中和韶樂於殿檐下左右陳清樂  
於左陳丹陛大樂於

出入賢良門內左右笳吹隊舞雜技百戲埃於殿  
外東西隅武備院張黃幕內務府掌儀司官設  
反坫爵於門內正中均如式尚膳總領於



寶座前設

御筵。布領侍衛內大臣暨記注官席於

寶座後左右。僉向。布內外王公貝勒及入殿大臣席

於殿內左右。布貝子公額駙台吉與燕大臣侍

衛等席於殿檐下。及丹墀左右。均按翼爲序。東

西面。北上。理藩院尚書侍郎席殿東檐下。西面

禮部尚書侍郎席黃幕左。內務府大臣席黃幕

右。東西面。先時羣臣蟒袍補服畢會屆時。

皇帝御殿行燕禮。中和韶樂作。奏怡平之章。辭曰

皇心保太和。海宇昇平樂事多。瓊樹長新柯。冰泮春

流漲玉河。晴雲展細羅。擎堯酒。泛天波。花舞鳥

能歌。齊拜手。賦卷阿。燕畢

皇帝還宮。樂奏昇平之章。辭曰。時雍頌

帝堯玉珮鏗。鏘慶早朝紫禁瑞。煙飄春意凌寒上。柳

條和風禁苑饒。陳仙樂。奏箭韶。三五正良宵。宮

漏永。月輪高。餘儀節均與

保和殿筵燕同。若

賜燕於



保和殿。如歲除燕之儀。

右上元節燕。

盛京大政殿筵燕之禮。

皇帝巡幸盛京。

賜燕於

大政殿。先期行在禮部會內務府疏請得

旨。布諸司供備。疏列隨

駕。領侍衛內大臣奏請

命進爵大臣。屆日。豫設中和韶樂於

大政殿檐下。設清樂於左。設丹陛大樂於殿前。北

向。設

御筵於

寶座前。丹墀正中。張黃幕。設反坫於幕內。陳壺爵金

卮。殿內左右。布內外王公大臣席。丹墀左右。布

各官宗室席。朝鮮國使臣席於左旁之末。隨

駕王以下。及外藩王公。

盛京文武大臣。官員。宗室等。蟒袍補服。暨朝鮮國

使臣。齊集。鴻臚寺理藩院官。分引王以下。各就



本位祇埃。屆時內務府大臣奏請。皇帝御殿行燕禮。迺進茶。次進爵。次進饌。及分輪。賜茶酒。食品畢。世德舞人進司章歌。

御製世德舞十章。辭曰。粵昔造清。匪人伊。天女降思。長白闔門。是生我祖。我弗敢名。迺繼迺承。逮我元孫。一元孫累葉。維祖之思。我西云來。我心東依。歷茲故土。仰溯始謀。皇澗

天。天女降思。長白闔門。是生我祖。我弗敢名。迺繼迺承。逮我元孫。一元孫累葉。維祖之思。我西云來。我心東依。歷茲故土。仰溯始謀。皇澗

祖我弗敢名。迺繼迺承。逮我元孫。一元孫累葉。維祖之思。我西云來。我心東依。歷茲故土。仰溯始謀。皇澗

過澗締此丕基。章二於赫

太祖肇命興京。哈達輝發。數渝厥盟。如龍田見。有虎風生。戎甲十三。王業以興。章二爰度爰遷。拓此瀋陽。方城周池。

太室明堂。不寧不靈。匪居匪康。事異放桀。何心底商。章四不承

太宗允揚。前列倬彼松山。明戈耀雪。以寡敵衆。杵漂流血。惜無故

老爲余詳說。章五余來故邦。瞻仰



橋山。慰我追思。夢寐之間。崇政清寧。載啓南軒。華而不侈。鞏哉孔安。六章維我

祖

宗。欽

天敬

神。執豕酌匏。咸秩無文。帷幔再張。尊俎重陳。弗渝弗替。

遵我

先民。七章

先民宅茲。載色載笑。今我來思。

聖日俯照。爵我周親。蓋臣並召。亦有嘉賓。歡言同樂。八章

懿茲東土。允維天府。土厚水深。周原膺膺。南陽父老。

於是道古。有登其歌。有升其舞。九章我歌既奏。我舞亦

陳。故家遺俗。曷敢弗因。渾灑淳休。被於無垠。勿替引

之。告我後人。十章喜起舞。大臣循聲對舞。歌闋退。次進

善撲人畢。徹

御筵。王以下謝

恩。

皇帝還宮。各退。其餘行禮作樂。諸儀節均與



太和殿筵燕同

右盛京筵燕

皇帝臨幸翰林院。

賜羣臣筵燕。

旨下。布諸司供備。並奏請

命進爵大臣。其應行

賜酒之王大臣。疏列銜名。恭請

欽命。是日。樂部豫設中和韶樂於後堂東西廡下。設

中和清樂於東廡下。設丹陛大樂於敬一堂左

右。俱北向。大學士。掌院學士。翰林院官。及九卿

科道之曾授翰林者。咸與燕。屆時。禮部尚書奏

請

皇帝御龍袍。袞服。乘輿出宮。

午門鳴鐘鼓。王公百官。跪送如儀。

皇帝出長安門左門。與燕之王大臣暨各官。俱蟒袍

補服。於道旁跪迎。

駕幸翰林院前。引大臣恭導。

皇帝至中堂降輿。禮部尚書恭導。



皇帝詣

至聖先師祠。行二跪六拜禮。畢。暫

御清祕堂。尚膳總領於後堂

寶座前設

御筵。

寶座左右。布王大臣等席。階下左右。布翰林等官席

王以下。豫就燕位。祇候。掌院學士奏請

皇帝升寶座。中和韶樂作。奏隆平之章。辭曰。龍文五

色。皆羽葆亭童。

法駕來。祕閣列清才。就日瞻雲瀛。丈隈象緯正三台。

紉縵縵。卿雲迴。元首實康哉。舟楫鼎需梅。

皇帝升座。王以下各於坐次行一跪三叩禮。坐樂止。

迺進茶。丹陛清樂作。奏文物京華盛之章。辭曰。

文物京華盛。論道崇儒萃衣冠。禮樂在鴻都。木

天藻飾舊規模。翬飛鳥革何軒翥。麟在囿。鳳棲

梧。牙籤分四庫。更芸香辟蠹。綺牕青鎖連朱戶。

廳輪不隔瀛洲路。鈴索丁冬風度。僚案雍容。鶴

行鷺序。一解欣遇欣遇仲春初。五雲深處啓



鑿輿鳴鳶風細雲霞曙擁橋門萬歲山呼詞林曠典

古今無泝心源上接唐虞解一聖皇自昔需元輔

都俞吁咈矢嘉謨敦學先稽古旁求爰立夢相

符後先疏附左右皆心膂皆心膂如魚水在藻

更依蒲解三况我

朝雨露涵濡采瓌材並植天衢承明著作重璠璣

欲方駕子雲相如解四

聖學高深超邃古得元珠乙夜丹黃性所娛不知劬

琳瑯宛委圖書府赤文綠字德充符德充符淳

龐渾厚登三五解五夏球琳鳴篋虞際中天堂上

虞琴撫獻堯尊接舜壺金壺玉臚出仙廚湛露

共沾濡解六魏煥

天書鸞翔鳳翥羲文奎畫雲霞護光藻并麗金鋪矢

卷阿零露滑枚馬共嚴徐億萬斯年慶龍光歌

燕譽解七勗爾簪裾勉思建樹風雲月露終無取

崇實行是真儒矢卷阿零露滑枚馬共嚴徐億

萬斯年慶龍光歌燕譽解八

翠華臨幸



恩光溥重儒術榮生藝圃天祿被春風石渠沾化雨

趨次進酒丹陛清樂作奏延閣雲濃之章辭曰

延閣雲濃蘭臺日麗

鑿輿苙香泛玻璃九醞傳仙醴一深巖丹地高張

黼座面南離看廣庭碧蔭早清露晨晞錦煊燐采仗

和風度玉琮琤香階晝漏移光激灑雲開蓬島

霧氤氳香裊金猊鳳來丹穴鶴在丹墀二雲漢

爲章際盛時命冬官斧藻施雕楹玉碣煥雲楣

采椽不斲無華侈五經貯腹便便笥

臨軒集衆思賢才

聖所資慕神仙虛妄誠無謂惟得士致雍熙三啓天

祿斯文在茲宵然太乙藜入承明花輒日影移

覆錦袍蒙眷禮徹金蓮歸院遲賜玉膾自蓬池

四緬崆峒問道虛懷謁具茨更金華侍講流清

鑒不疲信鴻達羽儀通經淺漢韋樂橫汾燕鎬

京歌在藻思行葦咸英奏春酒初釀五集簪裾

燕鳳池柳外輕颺曲沼漣漪陋宋主賞花垂釣

笑唐宗結采評詩六班聯肅樂有儀天廚下逮



皆珍味。凝甘天酒還如醴。御鑪黶黶香煙細。賡  
歌颺拜萬年歡。年年侍奉。

天顏喜七解

天顏喜。福履綬。太和保合中天世。珠聯璧合奎垣麗。  
一心妙衍圖書祕。賡歌颺拜萬年歡。年年侍奉。

天顏喜八解。玉河東抱清且漣。兮斯干既咏。不日成之。

天祿儲材。銀榜

親題。用作儒林之氣。培其根。達其枝。無貳無欺。若作  
和羹爲舟楫。惟爾攸資。思贊襄。日有孜孜。亮天

工。庶績咸熙。須將器識先文藝。有爲有守。汝翼

汝爲九解。湛露濃。卿雲麗。滿院芝蘭臭味。秋水蒹

葭寤寐思。鶴書時賁巖隈。伴青松。商雒仙芝。拜

手羣歌。既醉詩。更束帛安車。徧山巔。水涯得賢

致理

聖無爲趨辭。次進饌。中和清樂作。奏玉署延英之章。辭

曰。玉署延英。環珮葱珩。

法駕幸蓬瀛。龍口琮瑋。碧沼澄清。壺天一鏡空明。廣

筵日近。祥雲履阿閣。風微寶篆縈。象緯呈泰階



平。儒林額手歡慶。

一風

皇心無逸常居敬松軒雲牖勞咨傲深宮遐覽千秋

鏡淵思汲古資修綬唐虞授受親奎壁圖書炳

百年禮樂於斯盛。二多幸朝野從容際治平麟

閣集簪纓鳳敞雲屏鵠立軒庭徵法曲奏咸英

青袍紅綬相輝映露瀼瀼芳瀉瑤觥瑟黃流飮

大亨共祝

一人有慶。三小山上參差桂影梧桐上。雝雝鳳鳴尊

疊次第沐芳馨早斜日映簾旌。四三都兩京鼓

吹從橫五車四庫擷精英大鳴小鳴柏梁黃竹

追高咏仰看五緯駢東井天獻珍符答

睿情何止高陽聚德星。五

天心籲俊灼知見宅心三俊自

天保定更保佑自

天申景命思皇多士生王國更拔茅連茹多士彙征並

進白駒空谷尚無金玉爾音席珍待聘。六行漏

永銅烏靜從此書帶芋綿承

恩盡向榮五老遊河。



堯心光被。垂衣文教成。萬方矯首。喜蟬蛸蟋蟀。氣求

聲應。七堪慶。佩縑囊。隨後乘。祕書省。龍光炳。丹

黃點勘。削簡汗青。勤著述。手讐日覽。玉尺冰裁

中景時共凜。入承明。不須看花影。飄影。八玉振金聲。

儒林徧荷殊榮。五色雲從畫棟生。石室芸臺有

大小餘清頌。

聖壽悠久高明。學海年年仍望

幸。趨

御前侍衛奉酒進應

賜酒之王大臣。興離席。以次詣

寶座旁跪。受酒。行一叩禮。飲畢。復叩。如初。退。仍就燕

位。行一叩禮。坐。鴻臚寺卿奏禮成。中和韶樂作

奏顯平之章。辭曰。恩光挾面槐。瀛洲十八並追

陪。南山頌有臺。酒醴笙簧霖雨諧。帝庭下蓬萊

金枝藹秀華堆。文光耀九垓。求千里始於隗。禮

大部尙書恭導

皇帝至清祕堂少憩。樂止。王大臣暨各官。豫於大門

外序立。祇候。掌院學士奏請。







奏聽倉庚載鳴。玉壺清漏。萬井歡娛。桑柘陰濃。  
皇宮綠樹稠。紅牆外。柳絲微。鵲黃瘦。更桃李暄妍。  
晴畫

聖天子勞民勸相。今日青轅黛耜。芳塋如繡。一解霞觴

獻壽。願吾

皇萬年與天齊。玉笋金罍。柏葉芳馨。綠蟻浮。彤墀

下。緋衣玉帶。兼青綬。更父老。握趨在後。共慶祝

皇圖鞏固。從此五風十雨。年年大有。二解

皇心在宥。念春風始和。不忘耕耨。海寓恬熙。宵旰仍

懷饑溺憂。深宮內。心齊常屏。瑤池酒。喜天藉。既

栽黃茂。坐廣厦。與民同樂。但見遐阡。邇陌。黃童

白叟。三解芳旨陳。金石奏。進九醞。在廷拜手。萬年

永錫。稱觥樂有秋。趨王以下各於坐次行一叩

禮。次分

賜諸王大臣酒。畢。樂止。迺進饌。中和清樂作。奏風和

日麗之章。辭曰。風和日麗。時鳥初喚。春晴卓午。

清朗外。一犁春雨。玉砌旁。萬年芳樹。共慶天田

成禮後



聖主一遊一豫。看零雨桑田。疎疎秧馬。闐闐春鼓。一解

雲開寶殿。玉案初進。金盤齊舉。蘭英未。盈盈翠

醕。蓬池鱸。紛紛細縷。玉粒長腰。雲子飯。來自神

倉。天庾正樂奏成英。春旗簇仗。塗歌巷舞。二解吾

皇。厘念四海黔首。吾胞吾與。所無逸。九功六府。繪豳

風。築場治圃。一粟一絲。民力在信。是農家辛苦

更問夜求衣。亮功熙績。治登三五。三解勸九歌修

六府。飭太史順時。覲土禮成。樂備堯廚。扇蕙蒲

趨次分

賜食品於各筵。樂止。隊舞雜技。以次進奏。畢。王以下

各於坐次行一跪三叩禮。退出大門外。祇埃。

皇帝起座。中和韶樂作。奏顯平之章。

皇帝乘輿還宮。樂止。王公從。眾皆退。

時右耕藉筵燕

臨雍禮成。

賜講官。及有事諸臣。燕於禮部。精膳司。眠人數。戒光

祿。寺庖饌。是日露臺上望。

闕設香案。布席於堂。精膳司官。朝服。眠設。衍聖公。



內閣大學士。學士。翰林院詹事府。禮部。都察院。國子監。太常寺。光祿寺。鴻臚寺。暨侍班執事各官。五經博士。聖裔。賢裔。咸與燕。三品以上。入專席。四品以下。二人共席。均按品為序。至時。羣官朝服畢會。無職者公服。鴻臚寺序班引詣香案前。聽贊。行三跪九叩禮。畢。各就席坐。光祿寺進茶。眾於坐次行一叩禮。進酒。叩如初。酒三行。燕畢。各一叩興。序班引詣香案前。行一跪三叩禮。所司徹燕席。羣官各退。

右臨雍燕

經筵禮成

賜進講侍班執事諸臣燕於

文華殿東配殿。禮部精膳司。戒光祿寺庖饌。是日禮部。光祿寺官。眠布席於門南。講官。大學士。尙書。侍郎。左都御史。副都御史。通政使。副使。大理寺卿。少卿。詹事。少詹事。

日講起居注官。鴻臚寺卿。糾儀給事中。御史。鴻臚寺鳴贊。各官依次為位。席均西向。以北為上。屆



時進講畢。

皇帝還宮。羣臣迺就燕位。和聲署樂作歌。抑戒之詩。

餘儀與

臨雍燕同。燕畢。詣

太和門外謝。

恩行一跪三叩禮畢。各退。

右經筵燕

勅命恭修

實錄。

聖訓等書。

賜總裁以下官。燕於禮部前期。禮部疏請得

旨。迺奏

命大臣主席。所司戒光祿寺庖饌。屆日。望

闕設香案。布席於堂。總裁官主席。大臣專席。西向。

禮部尙書。侍郎專席。東向。提調纂修協修各官。

二人共席。收掌校對各官。二人共席。謄錄繙譯

各官。四人共席。左右分行相向。羣官朝服赴燕

畢。謝。



恩行禮如儀。或設燕於館。燕畢。詣金水橋謝恩。餘均如前儀。

右修書燕

凱旋燕勞之禮。大軍凱旋。

皇帝燕勞大將軍。諸從征大臣將士卒伍。咸與燕。前期。飭所司戒備。屆日。樂部和聲署陳樂。縣笳吹隊舞雜技百戲。並集祇埃。光祿寺庖饌。筵內務府張黃幕。設

皇帝御筵於殿中。布入燕王公大臣席於左翼。布大

將軍從征大臣將士席於右翼。皆按品為序。布卒伍席於右翼之後。屆時。

皇帝御帳殿。中和韶樂作。奏隆平之章。

樂辭詳軍禮凱旋儀後同

升座。樂止。迺進茶。丹陛清樂作。

樂章樂辭隨事隨時撰擬。後同。飲畢

樂止。大將軍奉觴上壽。丹陛清樂作。

皇帝以卮酒親賜大將軍。大將軍跪飲。如進爵大臣儀。

命侍衛分賜從征大臣酒。徧樂止。迺進饌。中和清樂作。殿內外羣臣行酒。樂舞入侑。酒三巡。饌再舉。



樂止。尚膳徹

御筵羣臣謝

恩。行禮。丹陛大樂作。奏慶平之章。

樂辭詳凱旋儀畢。樂止。

駕輿中和韶樂作。奏顯平之章。

皇帝還宮。樂止。各退。餘儀節與

太和殿筵燕同。

經畧大臣凱旋筵燕。與燕勞大將軍同。

右凱旋燕

順天鄉試。揭曉翼日。燕主考同考執事各官及

鄉貢士於順天府。日鹿鳴燕。以府尹主席。其日

府署望

闕設香案。樂部和聲署陳樂。委辦供給縣佐貳官

具燕。眠布席於堂。主考監臨副都統。內外簾監

察御史。席均南向。府尹提調。席北向。東西兩楹

席各三行。一行爲同考官席。二行爲外簾官席

三行爲參領守備及巡綽等官席。印卷供給官

席。提調官左稍後。供事官醫官。席檐下。縣令以

下委辦供給官。席露臺上。均東西向。鄉貢士席



於階下。第一名席稍前。西向。宗室貢士及諸貢士席東西向。黎明。主考各官朝服。貢士吉服。赴午門謝。

恩畢。諸貢士先詣府署二門。候主考以下至。皆一揖讓過。隨入。監試御史至二門內降輿。主考副都統至堂下降輿。治中通判迎於儀門外。尹丞迎於堂檐下。禮生引至香案前。聽贊行三跪九叩禮。畢。簪花升堂。和聲署樂作。貢士序立階下。北面再拜。主考副都統監試監臨提調同考官答

揖外簾執事。府佐縣令以下各官均答拜。畢。府尹至堂檐下。執事官授爵酌酒。府尹南向揖。酌酒三。偕丞揖主考副都統監試官就位。府佐揖同考官以下就位。主考各官揖尹丞如之。登歌鹿鳴之章。酒三行。饌再舉。燕畢。復詣香案前行一跪三叩禮。主考以下乘輿出。送如迎儀。武鄉試揭曉翼日。燕監射主考執事各官及武舉於順天府。曰鷹揚燕。儀與鹿鳴燕同。歌詩亦同

右鄉試燕



會試揭曉翼日。

賜有事各官燕於禮部。以禮部尚書主席前期所司戒光祿寺庖饌。至日露臺上望。

闕設香案。樂部和聲署陳樂於臺南。禮部精膳司官朝服。眠布席堂上。東當後楣。設總裁。知貢舉。副都統。席西向。西當前楣。設禮部尚書。侍郎。席東向左。右楹外。席各三行。同考。監試。御史。叅領。巡察外簾。四所。供給收掌。各官席分行依次陳設。南北相向。又設鳴贊。醫官。監門。巡綽等官席。

於露臺上左右皆相向。黎明總裁以下官朝服赴

午門謝

恩畢。齊集金水橋。禮部官屬入請赴燕。各官由東長安門詣部。主席迎於堂檐下。鴻臚寺官引詣香案前。北面序立聽贊。行三跪九叩禮。畢揖讓升堂。和聲署樂作。儀制司官分表花幣。光祿寺官舉壺酌酒授主席。主席立堂檐下。西面酌酒三。迺揖總裁官就位。正席獻爵。少退揖。總裁官答



揖。迺揖。知貢舉。副都統各就位。光祿寺官分獻。同考以下官酒。總裁官詣主席席前。酢。如獻禮。各就席坐。光祿寺官供饌。燕畢。各官起。席徹。鴻臚寺官復引詣香案前。行一跪三叩禮。主席送總裁官。如初儀。羣官各退。

武舉會試。徹闈。燕有事各官於兵部儀與文會試同。

右會試燕

殿試傳臚翼日。

賜燕於禮部曰

恩榮燕。讀卷執事各官暨諸進士咸與燕。前期禮部疏請

命大臣主席。屆日望

闕設香案。樂部和聲署陳樂。光祿寺具饌。如禮闈儀。禮部精膳司官朝服。眠布席。主席大臣讀卷。官鑾儀衛使。席當後楯。西向。禮部尚書侍郎席。當前楯。東向。均專席。左右楹外。席各三行。左一行爲受卷官席。二行爲收掌官席。三行爲書榜



官席右。一行爲彌封官席。二行爲監試官。護軍  
參領席。三行爲書榜官。印卷官席。供給官。席露  
臺左。鳴贊官。席露臺右。均相向。二人共席。一甲  
進士。席於供給官之左。宗室進士。席於一甲之  
左。二甲一名。三甲一名。進士。席於宗室之左。均  
專席。北向。露臺下。二甲席於左。三甲席於右。均  
共席。左右相向。平明。諸進士吉服。先會禮部。各  
官朝服。會於金水橋。辰刻。禮部官屬入請赴燕  
主席。置各官。由東長安門詣部。禮部尙書。侍郎

出迎於堂檐下。迺率諸進士重行北面。聽贊。行  
三跪九叩禮。畢。升堂。旅揖。和聲署樂作。主席爲  
一甲進士簪花。吏人分表金花於堂上下席間。  
序班引一甲進士詣堂檐下。東面立。諸進士序  
立露臺上。見主席官四拜。主席官答二揖。次見  
讀卷官。禮部尙書。侍郎。鑾儀使。如前儀。次見執  
事官。再拜。執事官均答揖。畢。主席出詣堂檐下。  
西面立。光祿寺官酌酒授爵。主席受爵。揖。酌酒。  
三。光祿寺官以次授一甲進士酒。皆奉爵立飲。



卒三爵。三揖。主席答揖。各官就位。諸進士咸就位。坐和聲署。升歌。棧樸之章。光祿寺官行酒。供饌如儀。燕畢。各官出席。率諸進士詣香案前。行一跪三叩禮。席徹。衆官退送如初。迎禮。諸進士皆隨出。

右

恩榮燕

武舉

殿試傳臚後。燕有事各官。暨諸進士於兵部。曰會

恩榮燕同。

武燕既入席。和聲署升歌。兔冝之章。餘儀與

右會武燕

衍聖公來朝。入

覲畢。

賜燕於禮部。以禮部尚書主席。其日設香案於露臺上。樂部和聲署備樂。光祿寺官具饌。所司眠布席。設賓主席於後堂西。當後楣。賓主席均東向。以南爲上。博士席於右楹外。北向。以西爲上。屆



大清通禮 卷四十一  
時速賓。衍聖公入儀門。降輿。博士隨入。主席迎賓於堂檐下。肅揖。並揖。博士鴻臚寺官引詣香案前。北面序立。聽贊。行三跪九叩禮。畢。升堂。揖如初。光祿寺官酌酒授爵。主席酌酒三揖。賓卽席。奠爵。奠箸。少退揖。賓答揖。賓詣主席前。酬禮如之。咸坐。和聲署升歌。洙泗發源長之章。辭曰。洙泗發源。長麟鳳流芳。久眷茲後裔。克紹箕裘。詩書教澤。延禮樂家聲。舊茅社長膺。

天眷厚。際端冕。凝旒桓。圭章甫。彤廷舞蹈。時覲春秋。

解一

詔宗伯使養人進羞。大酋獻酬。形虎形鹽。訓恭訓儉。慈惠兼施。

寵錫優勵。嘉修素風。益懋庶不負。

皇朝渥澤。旨酒思柔。二酒三巡樂止。供饌畢。主賓興

席徹。鴻臚寺官復引詣案前。行一跪三叩禮。賓退。主席送如初。迎儀羣官各退。

右燕衍聖公

東南海外諸國陪臣進貢入



大清通志 卷四十一  
朝畢

賜燕於禮部。以禮部侍郎主席。其日設香案於露臺上。光祿寺庀饌。所司祗布席。堂上正中位主席。當後楹。西向。其右爲正使席。副使席。正使下。人專席。通事從官席。副使後從人席。於西楹外。二人共席。均南向。以東爲上。貢使至部。步入儀門。主席率詣香案前行。三跪九叩禮。畢。升堂。貢使見主席。行一跪三叩禮。主席答揖三。迺卽席。主席舉爵。貢使卽席一叩。飲酒三巡。供饌。燕畢。謝。

恩如儀。貢使辭各退。

右燕外國貢使

外藩蒙古王貝勒貝子公來京

朝賀元旦畢。下五旗宗室王公。各按旗諏吉日。燕會一次。每旗以親王郡王一人。主席。諸王以下。咸與陪燕。禮部尙書侍郎一人。率屬觀禮。屆日。府內陳設庀饌。和聲署備樂。堂上設賓主席。賓席居右。東向。主席居左。西向。禮部尙書侍郎席。於主席之次。均專席。北上。設從官席於堂門外。



東向。禮部官席於其次。均共席。迺速賓。賓至。主人出迎。行禮。敘坐。從官行禮。就位。並如儀。詳賓禮王

公相和聲署樂作。陳雜劇於門外。執事官行酒。進饌。燕畢。從官行禮。先出。主賓興席。徹賓拜辭。主人答禮。送如初迎儀。羣官各退。

右王公燕會

